



Siaran
AKHBAR
KEMENTERIAN PERTAHANAN MALAYSIA

MOD.100/2/1/2 JLD 3 () 02/10

FORUM XIANG SHAN KE-9
BEIJING, REPUBLIK RAKYAT CHINA

Timbalan Menteri Pertahanan, Liew Chin Tong mengetuai delegasi Malaysia ke Forum Xiang Shan ke-9 di Beijing, yang diadakan pada 21 hingga 22 Oktober 2019. Beliau disertai Pengarah Bahagian Staf Perisikan Pertahanan (BSPP) Lt Jen Dato' Sheikh Mokshin bin Sheikh Hassan; Duta Besar Malaysia di Republik Rakyat China, Yang Mulia Raja Dato Nushirwan bin Zainal Abidin; serta Penasihat Pertahanan, Laksamana Pertama Ahmad Asri bin Yaacob. Forum Xiang Shan ke-9 adalah forum peringkat tinggi yang dianjurkan oleh Persatuan Sains Ketenteraan China (Chinese Association of Military Science) dan dihadiri menteri-menteri pertahanan serta pegawai-pegawai kanan ketenteraan dari seluruh dunia. Tahun lalu, Menteri Pertahanan YB Mohamad bin Sabu hadir ke forum yang sama dan berucap tentang anti-keganasan global.

Dalam lawatan ini, Liew telah berucap dalam sidang pleno dengan tajuk Pengurusan Risiko Keselamatan di Asia-Pasifik (Security Risk Management in Asia Pacific). Dalam ucapannya, Liew menengaskan bahawa negara-negara Asia tidak boleh terjerat dalam pertembungan kuasa besar binari, tetapi bergerak maju bersama-sama dengan satu identiti sepunya Asia dan menuntut suara negara masing-masing, tidak kira besar atau kecil. Beliau turut menggesa negara-negara Asia untuk memberi lebih ruang kerjasama dan mengiktiraf peranan yang dapat dimainkan oleh seluruh kuasa Asia, tanpa mengira saiz.

Liew juga mengadakan perjumpaan dua hala bersama Timbalan Menteri Pertahanan Republik Korea, Park Jae-Min dan Timbalan Ketua Jabatan Staf Bersama Suruhanjaya Ketenteraan Pusat Republik Rakyat China (Deputy Chief of the Joint Staff Department of the People's Republic of China's Central Military Commission), Lt Jen Shao Yuanming di pinggiran forum terbabit. Perjumpaan dua hala tersebut memperkukuhkan hubungan antara Malaysia dengan Republik Korea dan juga Republik Rakyat China, serta membangkitkan beberapa cadangan positif untuk melanjutkan kerjasama pertahanan. Malaysia berharap untuk terus meningkatkan hubungan bersama dua negara ini.

-TAMAT-

"PERTAHANAN NEGARA TANGGUNGJAWAB BERSAMA"